



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De examine, & Inquisitione promouendoru[m] ad Ecclesia Cathedrales.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

## De pensionibus, &amp; pensionariis.

## S V M M A R I V M.

Pensionis extinguendæ causa, quid seruandum. Que ad benef. col-  
pert. 9.

Pensionis onere grauatam præbendam obtinens, quid agat, ubi pri-  
mi anni sue præbendæ fructus ecclesiæ soluendi sint. Ibid. 20.

Pensionarij, ad recitandum officium paruum Beatæ Virg. obligati.  
De constit. 23.

Pensiones Cancellarijs Episcopalibus assignatæ tolluntur. De cancella-  
rio 27.

De examine, & Inquisitione in promouendis ad  
Cathedrales Ecclesias.

## S V M M A R I V M.

1 In provinciali Synodo præscribenda examinis, & inquisitionis formu-  
la promouendorum ad cathedrales.

2 Formula eiusdem examinis, & Inquisitionis.

3 Inquisitio diligens de fide, vita, & moribus, à quo fiat, & a quo de-  
eisdem testificatio fiat. 7.

4 De natalibus etiam ætate, corporis habitu.

5 De doctrina item; & quale examen in eo fiat.

6 Fidei professionis emissio.

Formula prædictæ a Pio V. confirmatio. De constit. 3.

1. de exam. I  
& Inquis. in  
promou. ad  
Cath. Eccles.  
Ses. 24. c. 1. de  
Ref. sel. 6. c. 1.



Voniam statuit sancta Tridentina Synodus, ut  
in provinciali Synodo forma examinis, seu in-  
quisitionis, aut instructionis natalium, vitæ, æta-  
tis, doctrinæ, atque aliarum omnium qualitatū,  
quas sacri canones, & ipsa Tridentina Synodus  
in promouendo ad Episcopatum postulant, præ-  
scribatur; nos hanc formulam Sanctissimi Do-

mini nostri arbitrio comprobendam proponimus.  
2 Cum examen de aliquo ad Episcopatum provinciæ nostræ pro-  
mouendo, faciendum erit. Episcopus, in cuius diœcesi is maiorem eius  
anni partem versatus fuerit, mandato à Summo Pontifice accepto, ex  
quinque

quinque probatis, & doctis, ac iuratis, omnique exceptione maioribus testibus, de eius fide, vita, & moribus cognoscat in hunc modum.

- An sit bonæ existimationis.
- An hæresis nomine, aut schismatis suspectus sit.
- An hæreticorum libros legerit habeatve.
- An cum hæreticis versatus fuerit, aut eis aliquo modo fauerit.
- An statuto ecclesiæ tempore confiteatur, & Eucharistiam sumat, ac Missæ inter sit.
- An sacris ordinibus sit initiatus, & quampridem.
- An sit criminofus, vel vitio, aut infamia notatus.
- An cum aliquo inimicitias gerat capitales, & præsertim in loco Episcopatus.
- An filios habeat non legitimos, & cuius ætatis, & quot.
- An familiam suam prudenter, & catholicè regat.
- An bigamus sit.
- An excommunicatus, aut suspensus.
- An apostata.
- An ei publica pœnitentia imposta fuerit.

4 De Natalibus verò, ætate, gradu, & corporis habitu à duobus, vel tribus testibus fide dignis, vel ex instrumentis publicis hoc modo cognoscat.

- An legitimo matrimonio natus sit.
- An hæretici filius, neposve.
- An trigésimum annuum confecerit.
- An in vniuersitate studiorum magister, siue doctor, aut licentiatius in Sacra Theologia, vel iure canonico merito sit promotus, aut publico alicuius academiæ testimonio idoneus ad alios docendum ostendatur.

ead. sess. 24.

c. 1.

e cum iniunctis. de elect.

Et, si regularis fuerit, an à superioribus suæ religionis similem fidem habeat.

An aliquo vitio, vel insigni deformitate corporis, & in qua parte laboret.

An comitali morbo tenetur.

5 De doctrina autem sic periculum faciat.

Adhibitis tribus Theologiæ, totidemq; viris pontificii peritis, quos, si sibi non fuerint, ex vicinioribus locis accersat, promouendum vnde cum que euocatum interroget.

Quid differant inter se sacramenta veteris, & nouæ legis.

Quot sint ecclesiæ sacramenta, & quo modo singula nominentur.

Quæ sit eorum materia, forma, minister.

Quod officium presbyteri, Diaconi, & Subdiaconi, quodve

minq-

minorum ordinum.

Quæ præcepta diuina, quæue consilia euangelica.

Duos item locos ei proponet interpretandos, alterum veteris altorum noui testamenti, a mane ad vesperam dato spatio cogitandi.

Quibus interpretatis, percunctantibus etiam aliquid de iure pontificio, ita respondebit, ut etiam si Theologus sit, tamen se iuris canonici in iis, quæ ad Episcopi munus pertineant, non omnino rudem esse ostendat.

6 His confectis, ex formula præscripta a Sanctiss. D. N. coram eodẽ Episcopo fidei professionem faciat.

7 Quod si promouendus in pluribus ciuitatibus, vel diocesisbus proximum triennium moratus fuerit, eius fidem, vitam, & mores etiam Episcopi in quorum locis sex menses manserit, a Summo Pontifice admoniti, vel ab eo, qui processum confecerit, rogati, suo testimonio comprobent, idque scriptum ad eundem mittant, a quo processus confectus sit.

Is vero acta hæc omnia in publicum instrumentum relata, ad Sanctissimum Romanum Pontificem, ob signata quamprimum mittat.

### De loco episcopalis Cathedralis in Cathedrali Ecclesia.

#### S V M M A R I V M.

I Episcopalis Cathedralis, vbi in ecclesia collocanda.

Ad illius ornatum, nec pallia, nec alia Altaris indumenta adhibenda. De Missis sine cantu. 41.

3. de iis, quæ  
pert. ad orn.  
& cult. eccl.



I qua in Cathedrali Ecclesia Episcopalis Cathedralis loco depresso est, vel ita collocata, vt in populi conspectu non sit; id curet Episcopus, vt quod & à patribus, & a beatissimo patrono nostro Ambrosio institutum est, & ab Urbano primo Pontifice Maximo declaratum, illa ponatur conspicuo, & eminentiori loco: vt inde velut è throno speculationis suæ, ipse populum intueatur; rursusq; ab eodem conspiciatur.